

CYNGOR CAERDYDD

DEDDF SAFONAU A THREFNIADAETH YSGOLION (CYMRU) 2013

DARPARIAETH ANGHENION DYSGU YCHWANEGOL

YSGOL GYNRADD HYWEL DDA

HYSBYSIR DRWY HYN yn unol ag Adran 42 o Ddeddf Safonau a Threfniadaeth Ysgolion (Cymru) 2013 a'r Cod Trefniadaeth Ysgolion, bod Cyngor Caerdydd ("yr Awdurdod"), ar ôl ymgynghori ag unrhyw bersonau yr oedd yn ymddangos iddynt eu bod yn briodol, yn cynnig newid Ysgol Gynradd Hywel Dda, Cambria Road, Trelái, Caerdydd, CF5 4PD fel a ganlyn:

- sefydlu Canolfan Adnoddau Arbenigol Awtistiaeth ac Anghenion Cyfathrebu Cymdeithasol newydd ag 20 lle yn Ysgol Gynradd Hywel Dda yn yr adeiladau presennol. Byddai'r ganolfan yn darparu 10 lle yn 2026 i 2027 gyda chwmpas i ymestyn i 20 lle yn 2028 i 2029.

Cynigir gweithredu'r cynnig o fis Ionawr 2027.

Cynhelir yr ysgol gan Gyngor Caerdydd ar hyn o bryd.

Cynhaliodd yr Awdurdod gyfnod ymgynghori cyn penderfynu cyhoeddi'r cynnig hwn. Mae adroddiad ymgynghori sy'n cynnwys crynodeb o'r materion a godwyd gan ymgynghoreion ac ymatebion yr Awdurdod a barn Estyn ar y newid arfaethedig ar gael i'w weld yma:

[Agenda Cabinet ar Dydd Iau, 28ain Mai, 2026, 2.00 pm : Cyngor Caerdydd \(modern.gov.co.uk\)](http://modern.gov.co.uk)

Ar hyn o bryd, capasiti'r ysgol yw 420 o leoedd ar gyfer plant 4-11 oed. Mae 64 o leoedd meithrin. Nifer cyfredol y disgyblion yn yr ysgol yw 361 (4-11) a 56 (oed meithrin).

Nid oes unrhyw gynlluniau i newid polisi'r Cyngor ar dderbyn plant i ysgolion o ganlyniad i'r cynigion hyn.

Rheolir derbyniadau i'r ganolfan adnoddau arbenigol gan yr awdurdod lleol, yn amodol ar Gynllun Datblygu Unigol (CDU).

Bydd derbyniadau i'r Ganolfan Adnoddau Arbenigol ar wahân i'r derbyniadau i'r brif ysgol a byddant yn ychwanegol at y Nifer Derbyn Cyhoeddedig (NDC).

Bydd unrhyw drefniadau ar gyfer cludo disgyblion i'r ysgol yn cael eu gwneud yn unol â pholisïau presennol yr Awdurdod ar gludo plant i'r ysgol.

O fewn 28 diwrnod o ddyddiad cyhoeddi'r cynigion hyn, sef hyd at 13 Gorffennaf 2026, caiff unrhyw berson wrthwynebu'r cynigion hyn.

Dylid anfon gwrthwynebiadau at y Cyfarwyddwr Addysg a Dysgu Gydol Oes, Cyngor Caerdydd, Neuadd y Sir, Glanfa'r Iwerydd, Caerdydd, CF10 4UW.

Gellir hefyd anfon gwrthwynebiadau at y Cyfarwyddwr Addysg a Dysgu Gydol Oes, Cyngor Caerdydd i'r cyfeiriad e-bost canlynol: ymatebionysgolion@caerdydd.gov.uk

Nodwch fod rhaid i unrhyw wrthwynebiadau o'r fath gynnwys enw llawn a chyfeiriad post yr un sy'n gwrthwynebu.

Bydd yr Awdurdod yn cyhoeddi crynodeb o unrhyw wrthwynebiadau o'r fath a wneir (ac nad ydynt wedi'u tynnu yn ôl yn ysgrifenedig) yn ystod y cyfnod gwrthwynebu, ynghyd â sylwadau'r awdurdod ar y gwrthwynebiadau hynny, cyn pen 7 niwrnod, gan ddechrau ar y diwrnod y penderfynir ar y cynnig.

Dyddiedig 16 Mehefin 2026

Llofnod: Debbie Marles
Cyfarwyddwr Llywodraethu a Gwasanaethau Cyfreithiol

NODYN ESBONIADOL

(Nid yw hwn yn rhan o'r Hysbysiad ond ei nod yw egluro'i ystyron cyffredinol)

Mae Cyngor Caerdydd wedi ymrwmo i egwyddorion cynhwysiant. Mae'r rhan fwyaf o ddysgwyr ag Anghenion Dysgu Ychwanegol (ADY) yn mynychu ysgol brif ffrwd leol, ac yn elwa ar Ddarpariaeth Ddysgu Ychwanegol (DDdY) effeithiol. Nid oes angen i'r dysgwyr hyn fynychu ysgol arbennig na chanolfan adnoddau arbenigol.

Fodd bynnag, cydnabyddir, er mwyn ffynnu a chyflawni eu potensial, fod angen i blant a phobl ifanc sydd â'r anghenion dysgu ychwanegol mwyaf cymhleth gael mynediad i amgylcheddau arbenigol ac arbenigedd ysgol arbennig neu ganolfan adnoddau arbenigol. Mae nifer y disgyblion ag anghenion difrifol a chymhleth sydd angen lle mewn ysgol arbennig neu ganolfan adnoddau arbenigol wedi parhau i dyfu.

Mae'r Cyngor wedi ymrwmo i ddatblygu a chynyddu'r ddarpariaeth ymhellach ar gyfer dysgwyr oed cynradd sydd ag awtistiaeth ac anghenion cyfathrebu cymdeithasol. Gallai hyn fod mewn darpariaeth lles dros dro sy'n cefnogi dysgwyr i barhau mewn ysgolion prif ffrwd, ac mewn darpariaeth arbenigol lle mae lleoliadau parhaol yn briodol.

Yn ogystal â'r cynnig ar gyfer Ysgol Gynradd Hywel Dda, mae cynigion i sefydlu darpariaeth canolfan adnoddau arbenigol Awtistiaeth/Anghenion Cyfathrebu Cymdeithasol ar gyfer disgyblion oedran cynradd yn Ysgol Gynradd Radnor a darpariaeth canolfan adnoddau arbenigol cyfrwng Cymraeg yn Ysgol Glan Morfa yn cael eu datblygu. Ar gyfer disgyblion oedran uwchradd, mae cynigion i sefydlu canolfan adnoddau arbenigol yn Ysgol Uwchradd Fitzalan a chanolfan adnoddau arbenigol cyfrwng Cymraeg yn Ysgol Gyfun Gymraeg Bro Edern yn cael eu datblygu.

Mewn perthynas ag Anghenion Dysgu Cymhleth, mae cynigion i sefydlu canolfannau adnoddau arbenigol yn Ysgol Gynradd Adamsdown, Ysgol Gynradd Pencaerau ac Ysgol Gynradd Peter Lea yn cael eu datblygu. Mae'r ehangiadau arfaethedig o Ysgol Arbennig Meadowbank, sy'n darparu lleoedd Anghenion Dysgu Cymhleth i ddisgyblion oedran cynradd, Ysgol Arbennig Tŷ Gwyn sy'n darparu lleoedd Anghenion Dysgu Cymhleth i ddisgyblion oedran cynradd ac uwchradd ac Ysgol Uwchradd Woodlands sy'n darparu lleoedd Anghenion Dysgu Cymhleth i ddisgyblion oedran uwchradd hefyd yn cael eu datblygu.

Mewn perthynas ag Anghenion Iechyd a Lles Emosiynol, mae cynigion i sefydlu canolfan adnoddau arbenigol cyfrwng Cymraeg yn Ysgol Gymraeg Coed-y-Gof ac i gynyddu'r nifer dynodedig o leoedd ar ddarpariaeth canolfan adnoddau arbenigol ar gyfer disgyblion oedran cynradd yn Ysgol Gynradd Baden Powell ac Ysgol Gynradd y Tyllgoed yn cael eu datblygu. Mae ehangiad arfaethedig Ysgol Arbennig Greenhill, sy'n darparu lleoedd Iechyd a Lles Emosiynol i ddisgyblion oedran uwchradd hefyd yn cael ei ddatblygu.

Gellir gweld manylion y cynigion hyn a chopïau o'r hysbysiadau statudol yn:

[Cynigion ac Ymgynghoriadau \(caerdydd.gov.uk\)](http://caerdydd.gov.uk)